

Сулейман-Стальский райондин общественно-политический газет

# КУБРЕДИН ХАБАРАР

№32 (26506)

Жуьмя, 5-август, 2022-йис  
Газет гяфтеда садра акъатзава.  
Маса гунин кьимет азадди я

Хабарар. Хабарар. Хабарар

## Оперативный штабдин заседание

Алай йисан 1-августдиз Дагъустан Республикадин Кьил Сергей Меликова дурму экономика таъминарунин рекъяй кардик квай Оперативный штабдин нубатдин заседание кыле тухвана.

Заседанидал социальный объектар эцигунин, республикадин бюджет тамамарунин, школяр капиталнидаказ ремонт авунин ва инвестиционный проекттар уьмуьрдиз кечирмишунин месэляяр веревирдна.

Видеоалакьадин кьайдада заседанидин кьвалахда Сулейман-Стальский райондин Кьил Саид Темирханова иштиракна.

## Госпрограммади вилик финиз куьмекзава

Дагъустан Республикадин Гьукуматдин Председателдин заместитель Нариман Абдулмуталибован регьбервилик кваз кыле фейи совещанидал регионда хуьруьн майишат вилик тухунин рекъяй кьенин юкьуз важиблу тир месэляриз килигна.

ВКС-дин кьайдада совещанидин кьвалахда Сулейман-Стальский райондин Кьил Саид Темирханова, райондин администрациядин Кьилин 1-заместитель Лацис Оруджева, хуьруьн майишатдин ва сурьсетдин управленидин начальник Кьязиагьмед Кьязиагьмедова, капиталный эцигунрин управленидин начальник Роберт Мейланова иштиракна.



Кьилди кьачуртга, совещанидал «Хуьрерин территорияр комплекснидаказ вилик тухун» госпрограмма уьмуьрдиз кечирмишунин, и хиле майишатар «Зерно» ФГИС-да регистрация авунин, «Единое окно» информационный модулдиз кьенин юкьуз важиблу делилар кутунин рекъерай Сулейман-Стальский районда тайин кьвалах тухузвайди, социальный метлеб авай объектар эцигунин рекъяй проекттар уьмуьрдиз кечирмишзавайди кьейдна.

Совещанидал килигай месэляяр фикирда кьуналди, кьейд ийиз кьанзава хьи, Вилин-Сталрин ва Кьулан-Сталрин поселенийрин территориярал мини-футболдин майданар дуьзмишунин кьвалахар акьалтларзава, Кьасумхуьрел хьвадай цин цийи линияр тухванва, алай йисуз Агъа-Сталрин Кьазмайрал 400 аялдиз чкаяр авай умуми образованидин цийи школадин дарамат ишлемишиз вахкуда.

«Зерно» ФГИС-да и хиле майишатар регистрация авуникай рахайтга, УСХиП-дин делилралди, хуьруьн майишатдин 8 организациядикай 5 государстводин информационный кьурулушдик кутунва. «Единое окно» информационный модулдиз делилар кутунин кьвалах 100 процентдин тамамарнава.

«Зерно» ФГИС-да и хиле майишатар регистрация авуникай рахайтга, УСХиП-дин делилралди, хуьруьн майишатдин 8 организациядикай 5 государстводин информационный кьурулушдик кутунва. «Единое окно» информационный модулдиз делилар кутунин кьвалах 100 процентдин тамамарнава.

## Фестивалдин дипломриз лайихлу хьана

«Горцы» твар алаз кыле фейи фольклордин ва традициядин (адет хьанвай) XX-Международный фестивалда Сулейман-Стальский райондин патай векилвал авур культурадин отделдин работникар Дагъустан Республикадин культурадин министерстводин дипломриз лайихлу хьана. Кьилди кьачуртга, фестивалда иштирак авур культурадин отделдин начальникдин заместитель, ДР-дин лайихлу артист Омар Меликоваз, краеведческий музейдин директор Набиюллагь Керимхановаз ва И. Гь. Тагьирован тварунихь галай ЦТКНР-дин работник Зугьраб Мегьамедоваз дипломар гана.

Кьейд авун лазим я хьи, 5 юкьуз давам хьайи фестивалда Индиядай, Беларусь Республикадай, Киргизиядай ва Россиядин жуьреба-жуьре регионрай тир коллективри иштиракна. Абуру тамашачийриз культурадин ва яратмишунрин гзаф жуьреба-жуьревал: флешмобар, ярмаркаяр, халкьдин сеняткарвилини выставкаяр, концерттар, Каспийдин уьлквейрин яратмишунрин «Каспий – дуствилин кьерехар» сувар кьалурна. «Халкьдин костюмарин поэзия» твар алаз тухвай фестивалдин суварик 200-далай виниз милли костюмар ва 150 жуьредин милли шалар кьалурна, абуруз 2000-далай виниз инсанар тамашна.



«Горцы» фестиваль халкьдин яратмишунрин лап чехи международный мярекат я, ам 2012-йисуз ЮНЕСКО-ди фольклордин проектрин календардик кутунва. И йисара фестивалда 60-далай виниз Америкадин, Азиядин, мукьвал тир РагъэкьечИдай патан, Европадаин, 100-далай виниз Россиядин фольклордин коллективри ва ансамблри иштиракна.

Фестиваль Россиядин ва Дагъустан Республикадин культурадин министерствойрин куьмек галаз кыле тухузва, адан тешкилатчияр В. Д. Поленован тварунихь галай Россиядин государственной халкьдин яратмишунрин Кьвал, ДР-дин культурадин министерстводин республикадин халкьдин яратмишунрин Кьвал, «Арт-Инициатива» Международный холдинг я. Фестиваль «Культура» Милли проектдин сергьятра аваз кыле тухузва.

## Райондин Кьилин гьучивилик

Са тлимил йикьар вилик райондин Кьил Саид Темирханов Гьунепатан хуьрера здравоохраненидин объектрал фена. Сифтедай ам Бутхуьре агьалийриз алай аямдин шартлара медицинадин сифтегьан куьмек гун патал эцигзавай фельдшервиллинни акушервиллин цийи модульный дарамат тукьгуьрзавай ва монтаж ийизвай



гьалдихь галаз таниш хьана. И кьвалахар «Модернизация первичного звена здравоохранения Республики Дагестан» региондин программа уьмуьрдиз кечирмишунин сергьятра аваз кыле тухузва. Объектдал эцигунрин кьвалахар саки акьалтларнава.

Райондин Кьил Саид Темирханов Асалдхуьруьн медпунктунизни фена. Хуьруьн клубдин дараматда авай медпункт капиталнидаказ ремонт хьувунин лазимвал ава. Идан патяхьай райондин Кьили талукь кьулуьгьриз герек документар гьазурунин тапшуругь гана.

## Республикадин проектдай

Эхиримжи йисара Сулейман-Стальский района социальный, экономикадин ва маса хилера гьар жуьредин кьвалахар кыле тухузва. И кьвалахриз районада федеральный, республикадин программаярни милли проекттар уьмуьрдиз кечирмишунин куьмек гузва.

Хуьрерин агьалияр хьсан еридин хьвадай целди таъминарунизни района кьилин фикир гузва. И кар патал Кьасумхуьрел хьвадай цин линияр цийиз кутун хьувуна. И кьвалах мад са шумуд хуьре кьилиз акьудда, абурукай яз Цийи Макьарин хуьрени. И хуьре цин цийи линияр тухунин кьвалахар республикадин инвестициярин проектдай уьмуьрдиз кечирмишзава. Кьвалахрив алагай йисан эхирра эгечнава. Кьвалахрин заказчик «Дирекция единого государственного заказчика-застройщика» ДР-дин ГКУ я, эцигунрин кьвалахар «СК Мигстрой» ООО подряддин организацияди кьилиз акьудзава.




Подряддин организациядин векилри ва Цийи Макьарин АСП-дин кьил Асамудин Кьязиагьмедова чаз лагьайвал, кьенин йикьалди тамамарнавай кьвалахрин кьадарди 32 процент тешкилзава. Хьвадай цин цийи турбаяр тухунилай гьейри, хуьре яд пайдай саки 300 кьуйни эцигда.

Эцигунрин объектдал 10 касди, махсус техникади – 3 экскаваторди ва 1 манипуляторди кьвалахзава. Хьвадай цин цийи линияр тухунин кьвалахар Цийи Макьарин хуьре алай йисан эхирдалди кыле тухвана акьалтларун лазим я.

Чин гьазурайди - Хазран Кьасумов

Редактордин  
колонка  
**Мад кърху  
акатзава**

Коронавирус акагзавай-бурун кьадар садлагана тлимил хьайила гзафбуру Пегъундин эхир жезва лагана фикирнавай. Гьайиф хьи, чи умудар кьилиз акъатнач. Кье дуньяда авай гьалар масабур я. Пегъунди мад кьил хкажзава. Районда алай вахтунда начагьвилер кьеризва. Виридалайни рик!



Тардай кар ам я хьи, и узурди чи арадай вишералди ватанэгьлияр акъудна.

Коронавирусдихь инсаф авач, адаз жегил, кьузъу чидач. Лагана кьанда, коронавирус акьалт хъувурла духтурал иллаки еке зегьмет ацалтзава. Бязибурувай йикъаралди чпин кьвалериз, хизанрин патав хьфиз жезвач.

Чна чун тугъвалдикай хвена кьанда. Карантиндин серенжемрал хквез чаз садзани кьанзава.

Идахь галаз алакьалу яз чна гьар сада жавабдарвал гьисс авуна кьанда. Хаталу азардин вилик пад кьун патал авайди са рехъ я – коронавирсдин аксина рапар ягъун, рапар янавай-буру ревакцинация хъувуна кьанда.

Чна умудзава хьи, гьар са касди вичин хизандин, мукьва-кьилидин вилик жавабдарвал гьисс ийида – и азар чукунин вилик пад кьун патал талукь серенжемар кьабулда, Роспотребнадзордин истемисунрал амал ийида.

Гьайиф хьи, дагъустанвийрин члехи паюни и меслятрал амалзава. Хийирийирдин мярекатар кьиле тухузва, сад-садал мугьман жезва, сад-садал гьалтайла гьилер язава ва икI мад. Ихьтин гьерекатрин не-тижада, коронавирс квай са кас сеbeb яз, цудралди сагъбур азарлу хьунин хаталувал ава.

Ша чна вирида, сад хьана, духтурри меслятзавай кьайдайрал амал ийин, тугъвалдал гьалибвал кьачун, гьар сада хуси сагъламвилер кьайгъу члугван!

Асият Мирзалиева

Райондин администрацияда

## Тапшуругъар ва векилвилер тамамарун

Алай йисан 2-августдиз Сулейман-Стальский райондин Кьил Саид Темирханова тухвай совещанидал Герейханован хуьрун поселенида ва ДаркIуш-Къазмайрин хуьре администрацийри чкадин метлеб авай месэляяр гьялуни рекъерай протоколрин тапшуругъар ва векилвилер тамамарзавай гьалдихь галаз таниш хьана.

Совещанидин кьвалахда райондин депутатрин Собранидин председатель Штибег Мегьамедханова, райадминистрациядин Кьилин заместителри, управленийринни отделрин начальникри, кьуллугърин ва общественный тешикатрин руководителри, хуьрерин поселенийрин администрацийрин кьилери, райондин Инфромагентстводин векилри иштиракна.

Чкадин метлеб авай месэляяр гьялуни рекъерай протоколрин тапшуругъар ва векилвилер тамамарзавай гьаларикай Герейханован хуьрун поселенидин администрациядин кьил Руслан Алдырова ва ДаркIуш-Къазмайрин хуьрун поселенидин администрациядин кьилин заместитель Сиражудин Нежведилова гьахь-гьисабдин рахунар авуна. Абурун рахунриз, чпиз талукь месэляйрай, райадминистрациядин финансрин ва экономикадин управленидин начальник Балабег Ярагьмедова, архитектурадин ва градостроительстводин отделдин начальник Виталий Алисенова, «ЖКХ и благоустройство» МКУ-дин директор Тимур Аб-

дулаева, УМИЗ-дин директор Назир Гьасанова, правовой отделдин кьилин пешекар Мержанхалум Набиевади, хуьрун майишадтин ва суьсетдин управленидин начальник Къазиагьмед Къазиагьмедова, капитальный эцигунрин управленидин начальник Роберт Мейланова, ЧС-дин ва ГО-дин отделдин начальник Тарлан Султанагьмедова баянар гана.

Совещанидал алай месэляйрай и хуьрерин поселенийра тухузвай кьвалахрикай ва гьял тавунвай месэляйрикай алава рахунар райадминистрациядин Кьилин 1-заместитель Лаис Оруджева, общественный хатасузвал хуьрин рекъай Кьилин заместитель Абуталиб Фатулаева авуна.

Лагана кьанда, совещанидал гьахь-гьисабдин рахунар авур АСП-рин векилар ва кьуллугърин руководителарни жавабдар кьуллугъегълияр Герейханован хуьрун поселенидихь ва ДаркIуш-Къазмайрин хуьрухь галаз алакьалу протоколрин тапшуругъарал ва векилвилерал гегьеншидиз акъвазна. Мисал яз, хуси къазанжийрай пландин тайинарунар тамамарун, налограй аламай буржар алудун, регистрация тавунвай коммерческий объектгар дуьздак акъудун ва абур учетда эцигун, «Парус» кьурулушда похозяйственный учет тухун, аренда торрихь галаз алава икьрарар кутIунун, административный идарайрин, диндин, социальный ва культурадин метлеб авай объектрин, кьенепатан рекъерин ва мелиорациядин

объектрин хусиятдин ихтияр-рин регистрация авун, паркара ва скверра авай татугайвилер арадай акъудун, социальный метлеб авай госпрограммайра ва милли проекта иштиракун, градостроительный ва



чилерин законодательствойрал амал авун, Генпланрик дегишвилер кухтун ва икI мад.

Рахай жавабдар ксаригьахьлудаказ кьейд авурвал, чкадин метлеб авай месэляяр гьялуни рекъерай хуьрерин поселенийрин администрацийриз еке векилвилер ганва, абурун хиве авай везифаярни гзаф я. Винидихь кьейд авур ва маса рекъерай гьам Герейханован поселенидик акагзавай 3 хуьре (Герейханован 1 ва 2-отделенияр, Цийи Мамрач) ва ДаркIуш-Къазмайрал тайин кьвалах тухванва. Ида вичин хьсан нетижани гузва: хуьрер члехи ва гуьрчег, агьалийрин яшайишдин шартIар хьсан жезва, социальный месэляяр гьялзава.

Гьа са вахтунда, хуьрерин поселенийра чкадин метлеб

авай ва законри истемисзавай хейлин месэляяр гьялнавач. Абурукай райондин Кьил Саид Темирханов, гьа поселенийрин кураторар тир жавабдар работникар ва райадминистрациядин управленийринни

кьуллугърин руководителар ачухдиз рахана, АСП-рин кьилериз кимивилер, гьял тавунвай месэляяр кьалурна, абур арада акъудунин патяхьай тапшуругъар гана, абур кьилиз акъуддай вахтарни тайинарна.

Совещанидал жуьреба-жуьре маса месэляйризни килигна. Совещанидин нетижаяр райондин Кьил Саид Темирханова кьуна.

Райондин Кьил Саид Темирханова гуьгьунин гьафтейра кьиле тухудай совещанийрал амай хуьрерин поселенийрин администрацийри чкадин метлеб авай месэляяр гьялуни рекъерай протоколрин тапшуругъар ва векилвилер тамамарзавай гьаларикай АСП-рин кьилерихь яб акалда.

Асият Мирзалиева,  
Хазран Кьасумов

## Буюр, иштирака!

Уьлкведин алай аямдин технологийралди кьвалахзавай виридалайни бажарагълу, аудиториядин фикир тамамдаказ желб ийиз ва гьатта виридалайни муракаб материал кьезилдаказ ачухариз алакьдай муаллим «Классная тема» телешоудиз хьядя. Вироссиядин мулкунал теле-проектда иштиракун патал муаллимар хьядай гьерекат башламиш хьанва. Муаллимрикай тир телешоу Россиядин Президент Владимир Путинан тапшуругъалди «Россия 1» телеканалди ва РФ-дин просвещенидин министерстводи гьазурзава.

«Муаллимдин уьмуьрда гьар са югь акьалтIай метлеблуди, алапатдинди ва гзаф терефрикай ибаратди я. Цийи шоу - им и терефар раиждай ва чи уьлкведин школа не-инки виридалайни ерилу чирвилер гузвайди, гьакIни аялрив эгечIунин жигьетдайни виридалайни фад гьиссдайди, кьайгъударди яз вучиз гьисабзавагIа аквадай лап хьсан мумкинвал я. Чи

муаллимриз раиждай, пайдай хьсан алакьунар ва тежриба ава. Хькягъунин гьерекатда иштиракзавай вирибуруз за бахту-



ни гьун алхисзава», - лагана РФ-дин просвещенидин министр Сергей Кравцова, муаллимрихь элкьвена.

Телешоуда иштиракун патал арза уьлкведин гьи региондай хьайитIани тир муаллимдивай-предметникдивай гуз жедя. Муаллимди вичикай суьгьбет авун, вичин предмет-

диз талукь тест вахкун ва вичи тарс тухузвайвал кьалурзавай видеовизитка лентиниз кьачун лазим я. Уьлкведин майданда кьиле тухузвай и гьерекатда агьадихь галай тарсар гузвай

диз талукь тест вахкун ва вичи тарс тухузвайвал кьалурзавай видеовизитка лентиниз кьачун лазим я. Уьлкведин майданда кьиле тухузвай и гьерекатда агьадихь галай тарсар гузвай

муаллимрихь элкьвена. Телешоуда иштиракун патал арза уьлкведин гьи региондай хьайитIани тир муаллимдивай-предметникдивай гуз жедя. Муаллимди вичикай суьгьбет авун, вичин предмет-

диз талукь тест вахкун ва вичи тарс тухузвайвал кьалурзавай видеовизитка лентиниз кьачун лазим я. Уьлкведин майданда кьиле тухузвай и гьерекатда агьадихь галай тарсар гузвай

либ хьайи ва ачухдаказ гайи сесералди вилик акьатай ирид муаллим «Россия 1» телеканалдай кьалурдай финалдин шоуда майдандиз экъечIа, ина абуру гьарда вичин предметдай тарс тухуда. Гьалиб хьайи муаллимдиз кьилин пишкеш – федеральный телеканалда авторвилерин передача гуда.

Хькягъунин гьерекатда иштиракун патал арза 10-августдалди «Вконтакте» приложенидин куьмекдалди гуз жедя, хабар гузва РД-дин образованидин ва илимдин министерстводи.

**Кьейд:** винидихь ганвай макъала чна республикада милли чIалал акъатзавай общественно-политический «Лезги газетдай» кьачунвайди я. Ам «Кубредин хабарар» газетда гуналди, чаз кьейд ийиз кьанзава хьи, телешоуда иштирак авуниз лайихлу, чпихь кьвалахда агалкьунар, алакьунар ва чирвилер авай муаллимар Сулейман-Стальский райондани тлимил авач. Инанмиш я хьи, Вироссиядин и мярекатда чи райондин муаллимрини иштиракда, чеб уьлкведин дережада машгьурда.

(Чи корр.)

Чехи Гъалибвиллин 77 йис

## Далу патан фронтдин зегъметчияр

Ингъе, алай йисан майдин вацра чи халкъди Ватандин Чехи дяведа Гъалибвал къачурдалай нинихъ 77 йис тамам хъун къейд авуна. И гъалиб-виллик неинки дяведин йисара фаши-стрин аксина женгер тухвай къегъал-ри, гъакъни далу патан вишералди зегъметчиърини еке ва лайихлу пай кутуна. Колхозрани производство-дин маса хилера югъ-йиф талгъана гъакънсагъвилелди кваллах авуни-лай гъейри, далу патан зегъметчиърини фронтдиз, женгера авай аскерризни вири патарихъай куьмекар гана. Далу патан гзаф зегъметчияр В. Сталинан тварунихъай Чухсагъулар малумару-руниз ва гъукуматдин наградайриз лайихлу хъана. Агъадихъ чаз чи газет келзавайбуруз зегъметдин фронтда тафаватлу хъайи чи райондин са шумуд касдикай суьгъбет ийиз кланзава.

Лагъана кланда, агъадихъ гузвай делилар чи газетдин редакциядиз рай-ондин дишегълийрин Советдин пред-седатель, Къасумхуьруьн 1-нумрадин юкъван школадин директордин зам-меститель Айишат Къурбаналиевна Къасумовади агакъарна.

## Садуллаева Саимат Алдеровна

Зегъметдин фронтдин зарбачи С. Садуллаева Къулан-Сталрин хуьре лежбер хизанда дидедиз хъана. Ватандин Чехи дяве башламиш хъайила адан 15 йис тир. Саимата хуьруьн гамарин фабрика-да кваллахзавай. 1941-йисан октябрдин вацран эхирра фабрикадин директор Нурмегъамед Рамазанова фабрикада кваллахзавай бур оборонадин, яни душ-мандин гъужумдикай хуьнин кваллахрал фена кланзавайдакай хабар гана. Немсер Моздокдив агакънавай. Вич зиринг, вичегъ руш тир Саимата зегъметдин фронтдиз куьмек гудай звенояр тешкил-на. Абуру танкариз акси сенгерар (око-пар) эгъуьнзавай. Лап четин, мишекъат шартлара абуру и кваллахар Хасаворт-да, Бабаюртда ва Дербентда къиле тух-вана. Яд, недай суьрсет бес жезвачир, ксун абур виликдай мал-къара хуьзвай тефлейра ийизвай. Фан ериндал абуруз гъажибугъдайрин амуькайрикай авун-вай тунутлар гузвай. Кваллах лагъайтла, суткада 15 сятда ийизвай.

Четинвилериз дурум гана Саимат Алдеровнади. Адаз чизвай хъи, чи аскерри фронтда женгера иштиракзава, абуруз мадни четин я.

Зегъметдин фронтдилай гуьгъуьниз Саимат Алдеровнади Къулан-Сталрин гамарин фабрикада рабочийвиле, склад-дин заведующийвиле, 1943-1944-йисара райондин финансовый отделда налогрин рекъай агентвиле, 1950-йисалай 1981-йисалди райПО-да жуьреба-жуьре къул-лугърал кваллахна.

1981-йисуз Саимат Садуллаева лайих-лу пенсиядиз экъечна.

Гъукуматди С. А. Садуллаевадин яр-гъал йисарин дурумлу зегъмет «За трудо-вое отличие», «За добросовестный труд в ознаменовании 100 летия со дня рожде-ния В. И. Ленина», «Ветеран труда», «40 лет Победы в Великой Отечественной войне 1941-1945гг» медалар, «Заслужен-ный работник торговли и общественно-го питания ДАССР» гъуьметдин твар, «Отличник Советской потребкоопера-ции», «Победитель социалистического соревнования» значар, гзаф къадар гра-мотаяр гуналди къейдна.

1944-йисан 4-ноябрдиз Саимат Алде-ровнадини Куругъли Батманович Садул-лаева чпин риклер, сирер сад авуна, хизан кутуна.

## Къазанбекова Селмихалум Абдулбариевна

С. Къазанбекова (Алипулатова) 1931-йисан декабрдин вацра Шихидхуьре гзаф аялар авай хизанда дидедиз хъана. Адан дах Абдулбариди яргъал йисара хуьре чатун устларвиле кваллахна. Диде – Али-пулатова Фатума Эмирхановна кваллин кайвани тир.

Ватандин Чехи дяве башламиш хъай-ила Селмихалума 3-класс куьтягнавай. Адахъ школада келун давамардай къаст авай. Амма дяведи адаз ихътин мумкин-вал ганач. Фронтдиз далу патай куьмек кланзавай. Жегъил руша вичин диде-дихъ галаз чуьлдин кваллахар тамамариз хъана: ада куьтен къуна цанни цана, никлериз кваллаваз фитерни тухвана... Селмихалума вири четинвилериз таб гана. Адаз чизвай хъи, фронт суьрсетдал-ди таьминарайла, гъалибвални къачуз жеда пехъи душмандал...

Гуьгъуьнлай, 1964-йисалай пенсиядиз экъечлай 1988-йисалди, С. Къазанбекова-ди Къасумхуьруьн автостанцияда кассир-виле кваллахна.

С. Къазанбековадин намуслу зегъмет са шумуд медаль ва грамота гуналди къейдна.

## Агъарзаева Бесхалум Алискендаровна

Б. Агъарзаева 1931-йисан 5-майдиз Агъа-Хъартасрин хуьре дидедиз хъана. Адан дах Сеферов Алискендар рабочий тир. Дяведа адан са вил буьркъуь хъана. 7 йис хъайила Бесхалум школадиз фена. Адаз школада 4 йисуз келдай мумкин-вал хъана, гъик лагъайтла, 1941-йисуз фашистрин Германияди вагъшивилелди Советрин Союздал веьгена. Колхоздиз фронт алуькдай паргалдалди, хранвай шейэралди таьминарунин тапшуругъ гана. И кваллахар Бесхалума йифен вах-тунда ийизвай. Вучиз лагъайтла, юкъуз ам чуьлда ва фермада кваллах авунал машгъул тир. 14 йис тамам хъайила ам аскерри куьмек яз Буйнакскдиз тухвана, ада аскеррин парталар чуьхуьзвай, виче-лай алакъдай маса кваллахар ийизвай.

Дяведилай гуьгъуьндин четин вахтунда Бесхалума колхозда кваллахна.

## Нежведилова Сугътахалум Алиевна

С. Нежведилова 1933-йисуз Къасум-хуьрел дидедиз хъана. Дяве башламиш хъайила адан 8 йис тир. Адан дах Али, квалле пуд аял туна, фронтдиз фена. Ая-лар дидеди ва имиди хвена. Вирибулар хъиз, четинвилер и хизандални гзаф ачалтна. Сугътахалума дидедихъ галаз консервирдай заводдиз зинбилар хра-дай твалар кватлдай. Идалайни гъейри, хуьруьн амай аялрихъ ва дишегълийрихъ галаз С. Нежведиловади колхоздиз кар-туфар хкудиз, никлерай къуьлуьн къилер кватл хъийиз ва маса кваллахрани куь-мекар гузвай. Женгинин темадай шко-ладани гзаф мярекатар къиле тухуьзвай. Школадин директорди Къасумхуьрел «Школадин бригада» твар алаз кру-жок кардик кутуна. Адан членри пам-баг, къелемар цаз куьмекар гузвай ва абур етимрихъ гелкъезвай. Етимар лагъайтла, хуьре гзаф авай. Инсанар меъкивилекди ва гишинвилекди къейи дуьшуьшарни тимил тушир. Хуьруьн майдандал гъеле кучудиз агакъ тавун-вай мейитар аламай вахтни Сугътахалуман рикел яргъалди аламай. Адаз вичин аял ва жаван вахтар рикел хкиз кландачир, ада веледриз, хтулриз дяве-дин йисара халкъди, Яракълу Къуватри къалурай къегъалвилерикай, гъалибвал къачуникай ихтилатар ийидай.

- Гъалибвал къачур югъ зи уьмуьрда виридалайни бахтлу йикъарикай сад я, - тикрардай Сугътахалум Алиевнади. - И югъ зи бейнида вири уьмуьрда амуькна.

Гъазурайди – Х. Къасумов

## Решение № 25

Собрания депутатов сельского поселения «село Куркент»

№ 10 – V созыва

Об утверждении отчета по исполнению бюджета МО сельское поселение «село Куркент» за 2-квартал 2022 года

Руководствуясь ст.264.2 Бюджетного кодекса РФ Собрание депутатов МО сельское поселение «село Куркент» **решает:**

1. Утвердить отчет об исполнении бюджета по доходам и расходам бюджета сельского поселения «село Куркент» за 2-квартал 2022 года (приложение № 1 и № 2).

2. Отчет об исполнении бюджета сельского поселения «село Куркент» за 2022 года, согласно приложениям №1 и №2 опубликовать в районной газете «Кюринские известия».

3. Контроль исполнения настоящего постановления возложить на главу администрации сельского поселения «село Куркент»

Председатель сельского Собрания

М. Г. Уружбеков

## Распределение расходов местного бюджета за 2-квартал 2022 года по разделам и подразделам классификации расходов (т. рублей)

Наименование показателя	Код расходов по бюджетной классификации	Фактически израсходовано
1	2	
<b>Израсходовано - всего</b>	x	1699,1
В том числе:		
<b>Общегосударственные вопросы</b>	<b>01</b>	818,4
Функционирование Правительства РФ, высших исполнительных органов государственной власти субъектов Российской Федерации, местных администраций (органа местного самоуправления)	0104	818,4
<b>Выборы</b>	<b>0107</b>	
Резервный фонд	0111	
<b>Национальная оборона</b>	<b>02</b>	95,5
Расходы на осуществление полномочий по осуществлению первичного воинского учета на территориях, где отсутствуют военные комиссариаты в рамках непрограммных расходов органа местного самоуправления	0203	95,5
<b>Национальная экономика</b>	<b>04</b>	
Дорожное хозяйство (дорожные фонды)	0409	
<b>Жилищно-коммунальное хозяйство</b>	<b>05</b>	513,6
Коммунальное хозяйство	0502	95,5
Благоустройство	0503	50,4
Другие вопросы в области жилищно-коммунального хозяйства	0505	367,7
<b>Образование</b>	<b>07</b>	
<b>Социальное обеспечение</b>	<b>10</b>	
<b>Физкультура и спорт</b>	<b>11</b>	
<b>Межбюджетные трансферты, передаваемые в бюджет муниципального района</b>	<b>1403</b>	271,6

Объем поступлений доходов за 2 кв. 2022 год по основным источникам, по кодам видов доходов, подвидов доходов, классификации операций сектора государственного управления, относящихся к доходам бюджета (тыс. рублей)

Наименование показателя	Код дохода по бюджетной классификации	Фактически поступило
1	2	3
<b>Поступления по доходам - всего</b>	x	2412,8
в том числе:		
Дотации бюджетам сельских поселений на выравнивание бюджетной обеспеченности	001 20215001100000151	2007,3
Субвенции бюджетам сельских поселений на осуществление первичного воинского учета на территориях, где отсутствуют военные комиссариаты	001 20235118100000151	129
Межбюджетные трансферты, передаваемые в бюджет муниципального района	001 20240014100000151	0
Доходы, получаемые в виде арендной платы за земельные участки	001 11105025100000120	185,1
Налог на доходы физических лиц с доходов, источником которых является налоговый агент	182 1010201001 1000 110	34,2
Налог на имущество физических лиц, взимаемый по ставкам, применяемым к объектам налогообложения, расположенным в границах сельских поселений	182 1060103010 1000 110	8,9
Земельный налог с физических лиц, обладающих земельным участком, расположенным в границах сельских поселений	18210606043101000110	48,3

Сведения о численности муниципальных служащих органов местного самоуправления сельского поселения «село Куркент» и фактических затрат на их денежное содержание за 2 квартал 2022 г.

Категория работников	Среднесписочная численность работников, чел.	Фактическая расходы на заработную плату работников за отчетный период, тыс.руб.
Муниципальные служащие органов самоуправления сельского поселения	2	290,8

## «Дагъви хъсан адетар хуьн»

Малум тирвал, РФ-дин Президент Владимир Путинан кьардалди 2022-йис Россиядин халкьарин культурадин ирс хуьнин йис яз малумарнава. Халкьарин культурадин ирсини чи милливал хуьзва, гьа са вахтун-

дик квай райондин центральный библиотекада «Дагъви хъсан адетар хуьн» лишандик кваз тухвай мярекатни метлеблуди хьана. Ана неинки центральный библиотекадин, гьакни саки вири хуьрерин библиоте-

дирдин пек-партални алай.

Библиотекайрин работникар ва келзавайбур тир Мусинат Нуралиевади, Закират Мегьамедовади, Алла Буржалиевади, Раижат Жигеровади, Валерик Гьажимисриева ва масабур та-



да уьлкведи саналди тир чьехи халкь арадал гьизва. Гьавилай чи халкьарин милли искусство, бубайрилай атанвай хъсан адетар, тарихдинни культурадин манадин гуьмбетарни имаратар хуьнихь, чирунихь ва абур жегьил несилдив агакьарунихь кьетген метлеб ава.

- Россиядин халкьарин культурадин ирсинин йисан серенжерин сергытра аваз Сулейман-Стальский райондани гьар жуьредин мярекатар кьиле тухвана ва и кар давамни ийизва, - лагьана чаз райондин культурадин отделдин начальник, Дагъустандин халкьдин шайр Майрудин Бабаханова. - Бубайрилай атанвай хъсан адетар хуьниз, абур жегьил несилдив агакьаруниз районда виниз тир дережада фикир гузва, и кьвалах культурадин маканра, школайра, аялрин бахчайра хъсандиз тешкилнава.

И йикьара Кьасумхуьрел кар-

кайрин работникри ва анрин келзавайбур иштиракна. Ам, гьакьикьатдани, халкьдин халис фестивалдиз элкьвена.

Библиотекадин работникар тир Рузанна Бабахановади ва Чрахалум Абдулафисовади сифтедай Россиядин халкьарин культурадин ирсинин йисан кьетгенвилерикай, и жигьетдай районда тухузвай мярекатрикай гегьенш ва метлеблу рахунар авуна, абуру мярекатни уstadвилелди кьиле тухвана.

Мярекатдин иштиракчийри лезги халкьдин виликан яшайиш, ацукьун-кьарагьун, адетар кьалурзавай сегьнеяр эцигнавай. Сегьнейра манийри тайин чка кьунвай. «Свас це лугьун», «Гам ршун», «Дагъвийрин мел», «Свас ва кьари», «Мехьер» ва маса сегьнейра адан иштиракчийри лезгийри яшайишда ишлемишиз хьайи куьгьне алагар, кьаб-кьажак, милли хуьрекар ишлемишна, вирибурал вилик

мамарай гьар са нумра тамашачийри гурлу капар ягьуналди кьаршиламишна.

- Халкьдин виликан йисарин яшайиш, адетар кьалурзавай ихьтин мярекатар чарасуз герек я, абур чна кьезмай несилдал агакьарун лазим я, - лугьузва вичихь 50 йисалай виниз культурадин хиле кьвалах авунин тежриба авай Мусинат Нуралиевади. - За кьвалахзавай Цмуррин Культурадин кьвалин гьевескаррин коллективдихь лезгийрин виликан адетар кьалурзавай нумра-я-сегьнеяр 10-далай виниз ава. Абур хуьрерин агьалийри, иллаки жегьилри, хушвилелди кьабулни ийизва.

Россиядин халкьарин культурадин ирсинин йисан серенжерин сергытра аваз мярекатар Алидхуьруьн, Эминхуьруьн, Алкьвадрин, Зизикрин библиотекайрани кьиле тухвана.

**Хазран Кьасумов**

Ада гьакни малумаривал, 2009-йисалай инихь ракуьн кьимет виле акьадайвал багьа хьанва. Гьаниз килигна, ра-



куьн «10 манатар» акьудун са кьадардин харжияр алай кардиз элкьвенва.

«Гьаниз килигна, чна чарчин «10 манатар» акьудиз башламиш хьувун метлеб авай кар яз гьисабзава», - кьейдна С.Белова. Гьа са вахтунда ада гьавурда турвал, 5 ва 10 манатдин ракуьн пулар чарчинбуралди тамамдаказ эвезуникай ихтилат физвач: кьве жуьредин пулни агьалийрин гьилера жеда.

## Хъсан алимни я, лекторни

Июндин сифте кьилляй Москвада Россиядин «Знание» обществоди тешкилнавай Лекторрин Лигадин чьехи конкурсдин II сезондин гьалибчийрив наградаяр вахузвай мярекат кьиле фена. Ана Россиядин 42 шегьерда кьиле фейи конкурсра финалриз акьатай 50 гьалибчиди иштиракна. Хъсанбурукай лап хъсанбур 25 шегьерда яшамиш жезвай агьалияр хьана. Мярекатдал РФ-дин Президентдин администрациядин руководителдин сад лагьай заместитель С.Кириенко рахана. Ада конкурсдин финалдиз акьатнавай иштиракчийриз агалкьун мубаракна. Кьейд авурвал, II сезон гзаф конкуренция авай зурбади хьана. Эгер I сезона 2500 касди иштиракнайла, II сезона 5 агьзур касди иштиракна.



Шад жедай кар ам я хьи, вичин ери-бине Стлал Сулейманан райондин Агьа-Стлал Кьазмайрилай тир медицинадин илимрин доктор, профессор Кьафаров Эдгар Сабировичайни и конкурсдин гьалибчин хьана. Ам 1977-йисуз Кьазахстан Республикадин Цийи Уьзенда дидедиз хьана. Агьа-Стлал Кьазмайрин юкьван школа акьалтларна, 1994-йисуз Астрахандин госмедакадемиядин лечебный факультетдиз гьахьна. 2000-йисуз анаг хъсан чирвилер аваз акьалтларна, гьа и академиядин инсандин анатомиядиз талука кафедрадин аспирантурада кьелун даварна. 14 йисуз Эдгар Сабировича медицинадин академиядин анатомиядин кафедрада муаллимвиле кьвалахна. 2004-йисуз «Вариантная анатомия почечных артерий и ее ветвей» темадай (илимдин руководитель - профессор РИ.Асфандияров) кандидатвилдин диссертация хьена. 2014-йисан февралдиз медицинадин илимда кьазнамишнавай агалкьунриз килигна, Чечен Республикадин медицинадин институтдин руководствомди адаз кьвалахиз Грозный шегьердиз теклифна. Гьа и йисан октябрдин вацра ада «Структурные преобразования венозных сосудов почеч человека в зрелом, пожилом и старческом возрастах» темадай (илимдин консультантар - профессор Р. И. Асфандияров ва Л.А.Удочкина) докторвилдин диссертация хьена. Алай вахтунда ада Чечнядин госуниверситетдин медицинадин институтда «Нормальная и топографическая анатомия с курсом оперативной хирургии» кафедрадиз регьбервал гузва.

Чечен Республикадин здравоохраненидин министр Идрис Байсултанова Россиядин Федерациядин медицина вилик тухуник аквадай хьтин пай кутунай алимдиз еке кьимет гана. Ада кьейд авурвал, Россияда инсандин анатомиядай 3D-моделированидин жуьреда докторвилдин диссертация хьенвай сад лагьай алим чи районегьли я.

Кьуй чи районегьлидихь вири рекьерай мадни еке агалкьунар хьурай!

### СПОРТ

## 8 командадин арада 2-чка

Мегьарамдхуьруьн райондин Кьуйсунрин хуьре Кьиблепатан Дагъустандин футболдин лигадин кьугьунар кьиле фена. Ана са шумуд райондай тир 8 командади иштиракна.

Сулейман-Стальский райондин патай турнирда Агьмед Саидагьмедован ва Чингиз Абдулмежидован регьбервилек квай командади векилвална.

Кьуйсунрин командадиз анжах маса командайрин варариз ягьай ва жуван варариз ахьагьай тупарин гьисабдай кумукай чи райондин командади турнирда 2-чка кьуна, ам гимидин медалриз лайихлу хьана.

Сулейман-Стальский райондин командадай тир Али Кьазибекков турнирдин виридалайни хъсан полузащитник яз гьисабна.

Кьейд ийиз кьанзава хьи, Сулейман-Стальский райондин футболдин хьанавай командади 6-августдиз Табасаран райондин Хучни хуьре кьиле фидай спортдин фестивалда иштиракда.



Чи корр.

## Метлеб аваз акунва

Алай йисан эхирра Россияда 1997-йисан чешнедин 10 манатдин чарар чап ийиз башламиш хьийида. Рикел хкин, и кар 2013-йисалай акьвазарнай. Идакай, «Известия» газетдиз интервью гудайла, Центробанкдин председателдин заместитель Сергей Белова хабар гана.

Адан гафаралди, идахь галаз сад хьиз, 1998-йисалай инихь мад басма тавур 5 манатдин чарар акьудиз башламиш хьувунин месэлаи веревирдзава. «2000-йисарин сифте кьилляй чарарин и пул агьалийри активнидаказ ишлемишиз хьанай, амма еке игьтияж авай абур фад куьгьне хьана. Гьаниз килигна, абур

ракуьн пулуналди эвезунин кьарар кьабулнай. Гьелбетда, ракуьн пул акьудуниз ийизвай харжияр, чарчинбурув гекьигайла, гзаф я, амма, ракуьн пул яргал вахтунда ишлемишиз хьун себеп яз, санлай кьачурла, и кар хийирлуди хьана. Исятда технологияр дегиш хьанва. Месела, чарчин банкнотадиз лак ягьиз жезва. Ида лагьайла, абур ишлемишдай вахт гьатта 30 процентдин артухарзава. И делил чна кьиле тухвай ахтармишунри субтарнава. Лак ягьунин технология ахтармишна куьтягнава, чна адаз тамамдаказ ихтибарзава ва гележегдин кьвалахда ишлемишда», - хабар гана Центробанкдин векилди.

### «КЮРИНСКИЕ ИЗВЕСТИЯ» (на лезгинском языке)

Тешкилатчи: Сулейман-Стальский райондин администрация  
Кьилин редактор А. М. Мирзалиева  
Редакциядин ва издателдин адрес: 368760, Кьасумхуьр, Стлал Мусаибан куьче, 3. Телефон: 3-41-65  
Печатдин кьвал  
Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макьалайрин авторрин фикирар сад тахьун мумкин я. Макьалайрин, абур гьизвай делилрин дуьзвилдин патахьай жаваб авторри чи гуда. Макьалайриз рецензияр гуьвач ва абур элкьвена вахуззава. Чап ийиз вахкудай вахт 15:00. Чап ийиз вахкана 10:30  
Газетдин индексар: Йисан - 63323; Зур йисан - 51369  
Газет йиса 52 сеферда акьатзава.  
Гь - И лишандик квай материалар гьакьидихь чапзавайбур я.  
12+ - Икьван яшар хьанвайбур кьелрай.  
Газет ООО «Типография-М» типографияда чапна, 368600, Дербент шегьер, С. Кьурбанован куьче, 25. Тираж 1450. Зак. №

Утерянный аттестат о среднем общем образовании за № 00518000273234, выданный в 2015 году Новомакинской СОШ на имя Шабановой Ламунат Насрулаевны, считать недействительным.